

青  
訓  
訓

169

書  
目  
錄

|     |   |     |   |
|-----|---|-----|---|
| 東 東 |   | 東 東 |   |
| 一   | 一 | 二   | 二 |
| 冊   | 號 | 架   | 函 |

經  
合  
類

漢  
書  
門

下



國太同

友邦親之也

家君尊之也及

也及也及也及

受討名也酒彌究  
反沈酒溺于酒也  
肩色肩亂女色也  
媿親族謂子弟也

反之石反劉空胡  
反劉劉劉劉劉也

周書

泰誓上

惟上有三年春大會于孟津王曰嗟我友邦  
家君越我御事庶士明聽誓惟天地萬物父  
母惟人萬物之靈靈宜聰明作元后元后作民  
父母今商王受弗敬上天降災下民沈湎冒  
色敢行暴虐罪人以族官人以世惟官室臺  
榭殿池侈服以殘害于爾萬姓焚炙忠良剝  
剔孕婦皇天震怒命我文考肅將天威大勳



陸故也

國且緣及改也夷  
躡踣也

國量度也

貫通盈滿也

宜祭社也國土天  
社也

國致也

次止徇循也

播放也國舊通黑  
而黃也國必至及

酌醉怒也肆縱也

未集肆予小子發以爾友邦家君觀政于商

惟受罔有悛心乃夷居弗事上帝神祇遺厥

先宗廟弗祀犧牲粢盛既于凶盜乃曰吾有

民有命罔懲其侮天佑下民作之君作之師

惟其克相上帝寵綏四方有罪無罪予曷敢

有越厥志同力度德同德度義受有臣億萬

惟億萬心予有臣三千惟一心商罪貫盈天

命誅之予弗順天厥罪惟鈞予小子夙夜祗

懼受命文考類于上帝宜于冢土以爾有衆

底天之罰天矜于民民之所欲天必從之爾

尚弼予一人未清四海時哉弗可失

秦誓中

惟戊午王次于河朔羣后以師畢會王乃徇

師而誓曰嗚呼西土有衆咸聽朕言我聞吉

人為善惟日不足凶人為不善亦惟日不足

今商王受力行無度播棄黎老昵比罪人淫

酗肆虐臣下化之朋家作仇脅權相滅無辜

籲天穢德彰聞惟天惠民惟辟奉天有夏彜



改正音訓

浮過也劉安國去也

鑒視也

鑿重也夷平也言其知識不相上下也

也  
圖善也陽舉也入也

勵許玉反勉也

天子將士也

厥明戊午之明日也

翻側畧反斫也

補音鋪病也

回邪也

弗克若天流毒下國天乃佑命成湯降黜夏

命惟受罪淨于桀剝喪元良賊虐諫輔謂已

有天命謂敬不足行謂祭無益謂暴無傷厥

鑒惟不遠在彼夏主天其以予人民朕夢協

朕卜襲于休祥及商必克受有億兆夷人離

心離德予有亂臣十人同心同德雖有周親

不如仁人天視自我民視天聽自我民聽百

姓有過在予一人今朕必往我武惟揚侵于

之疆取彼凶殘我伐用張于湯有光勗哉夫

子罔或無畏寧執非敵百姓懍懍若崩厥角

嗚呼乃一德一心立定厥功惟克末世

### 泰誓下

時厥明王乃大巡六師明誓衆士王曰嗚呼

我西土君子天有顯道厥類惟彰今商王受

狎侮五常荒怠弗敬自絕于天結怨于民斫

朝涉之脛剖賢人之心作威殺戮毒痛四海

崇信姦回放黜師保屏棄典刑囚奴正士郊

社不修宗廟不享作奇技淫巧以悅婦人上



陽正音訓

祝斷也

因大也勝專力也

迴路成也

帝弗順祝降時喪爾其孜孜奉予一人恭行  
 天罰古人有言曰撫我則后虐我則讐獨夫  
 受洪惟作威乃汝世讐樹德務滋除惡務本  
 肆予小子誕以爾眾士殄殲乃讐爾眾士其  
 尚迪果毅以登乃辟功多有厚賞不迪有顯  
 戮嗚呼惟我文考若日月之照臨光于四方  
 顯于西土惟我有周誕受多方予克受非予  
 武惟朕文考無罪受克予非朕文考有罪惟  
 予小子無良

牧誓

昧真國也昧將明未明之時也  
 鐵斧也鐵中皆磨遠也  
 國次也卿之貳大夫是也家眾也卿之屬士是也  
 驅羊反莫侯  
 稱舉也戰也也毗至交也析亦戰之屬  
 索蕭索也  
 陳國報也

時甲子昧爽王朝至于商郊牧野乃誓王左  
 杖黃鉞右秉白旄以麾曰逖矣西土之人王  
 曰嗟我友邦冢君御事司徒司馬司空亞旅  
 師氏千夫長百夫長及庸蜀羌鬻微盧彭濮  
 人稱爾戈比爾干立爾矛予其誓王曰古人  
 有言曰牝雞無晨牝雞之晨惟家之索今商  
 王受惟婦言是用昏棄厥肆祀弗答昏棄厥  
 遺王父母弟不迪乃惟四方之多罪逋逃是



崇是長是信是使是以為大夫卿士傳譽虐

于百姓以茲究于商邑今予發惟恭行天之

罰今日之事不愆于六步七步乃止齊焉夫

子勗哉不愆于四伐五伐六伐七伐乃止齊

焉勗哉夫子尚桓桓如虎如貔如熊如羆于

商郊弗迓克奔以役西土勗哉夫子爾所弗

勗其于爾躬有戮

武成

惟一月壬辰旁死魄越翼日癸巳王朝步自

明也國始也國生  
明月三日也

周于征伐商厥四月哉生明王來自商至于

豐乃偃武修文歸馬于華山之陽放牛于桃

林之野示天下弗服丁未祀于周廟邦甸侯

衛駿奔走執豆蓬越三日庚戌柴望大告武

成既生魄庶邦冢君暨百工受命于周王若

曰嗚呼羣后惟先王建邦啓土公劉克篤篤前

烈至于太王肇基王迹王季其勤王家我文

考文王克成厥勳誕膺天命以撫方夏大邦

畏其力小邦懷其德惟九年大統未集予小

愆過也

勗勉也伐擊刺也

桓桓官及桓桓威  
武貌貔類熊類

迓迎也

一月建寅之月旁  
死魄死魄朔也二  
日故曰旁死魄翼

發速也

生魄望後也



虞至也

子其承厥志底商之罪告于皇天后土所過

名山大川曰惟有道曾孫周王發將有大正

于商今商王受無道暴殄天物害虐烝民為

天下逋逃主萃淵藪予小子既獲仁人敢祗

承上帝以遏亂畧華夏蠻貊罔不率俾恭天

成命肆予東征綏厥士女惟其士女歸厥玄

黃昭我周王天休震動用附我大邑周惟爾

有神尚克相予以濟兆民無作神羞既戊午

師渡孟津癸亥陳于商郊俟天休命甲子昧

陳直及反

賈與也

爽受率其旅若林會于牧野罔有敵于我師

前徒倒戈攻于後以北血流漂杵一戎衣天

下大定乃反商政政由舊釋箕子囚封比干

墓武商容間散鹿臺之財發鉅橋之粟大賚

于四海而萬姓悅服列爵惟五分土惟三建

官惟賢位事惟能重民五教惟食喪祭惇信

明義崇德報功垂拱而天下治

今考定武成

惟一月壬辰旁死魄越翼日癸巳王朝步自

厚也

虞至也

虞至也

五



周于征伐商底商之罪告于皇天后土所過  
名山大川曰惟有道曾孫周王發將有大正  
于商今商王受無道暴殄天物害虐烝民爲  
天下逋逃主萃淵藪予小子既獲仁人敢祇  
承上帝以遏亂略華夏蠻貊罔不率俾惟爾  
有神尚克相予以濟兆民無作神羞既戊午  
師逾孟津癸亥陳于商郊俟天休命甲子昧  
爽受率其旅若林會于牧野罔有敵于我師  
前徒倒戈攻于後以北血流漂杵一戎衣天

下大定乃反商政政由舊釋箕子囚封比于  
墓式商容閭散鹿臺之財發鉅橋之粟大賚  
于四海而萬姓悅服厥四月哉生明王來自  
商至于豐乃偃武修文歸馬于華山之陽放  
牛于桃林之野示天下弗服既生魄庚邦豕  
君暨百工受命于周丁未祀于周廟邦甸侯  
衛駿奔走執豆籩越三日庚戌柴望大告武  
成王若曰嗚呼羣后惟先王建邦啓土公劉  
克篤前烈至于太王肇基王迹王季其勤王



家我文考文王克成厥勳誕膺天命以撫方  
夏大邦畏其力小邦懷其德惟九年大統未  
集予小子其承厥志恭天成命肆予東征綏  
厥士女惟其士女篚厥玄黃昭我周王天休  
震動用附我大邑周列爵惟五分土惟三建  
官惟賢位事惟能重民五教惟食喪祭禮信  
明義崇德報功垂拱而天下治

### 洪範

惟十有三祀王訪于箕子王乃言曰嗚呼箕

國就而問之也

臨職日反定也相  
去聲協合國漢倫  
理也  
陸音因塞也洞音  
勞亂也陳列也

用與洪大絕法禮  
類數音如敗也

錫賜也

農厚也

子惟天陰隲下民相協厥居我不知其繇倫  
攸叙箕子乃言曰我聞在昔鯀陴洪水汨陳  
其五行帝乃震怒不畀洪範九疇彝倫攸斁  
鯀則殛死禹乃嗣興天乃錫禹洪範九疇彝  
倫攸叙○初一日五行次二曰敬用五事次  
三曰農用八政次四曰協用五紀次五曰建  
用皇極次六曰乂用三德次七曰明用稽疑  
次八曰念用庶徵次九曰嚮用五福威用六  
極○一五行一曰水二曰火三曰木四曰金

大正十一年

卷之三

洪範



改正音讀

受於也附為也

五曰土。水曰潤。下火曰炎。上木曰曲。直。金曰  
 從。革。土爰稼穡。潤下作鹹。炎上作苦。曲直作  
 酸。從革作辛。稼穡作甘。○二五事。一曰貌。二  
 曰言。三曰視。四曰聽。五曰思。貌曰恭。言曰從。  
 視曰明。聽曰聰。思曰睿。恭作肅。從作又。明作  
 哲。聰作謀。睿作聖。○三八政。一曰食。二曰貨。  
 三曰祀。四曰司空。五曰司徒。六曰司寇。七曰  
 賓。八曰師。○四五紀。一曰歲。二曰月。三曰日。  
 四曰星辰。五曰曆數。○五皇極。皇建其有極。

聖君也

濫明邪黨也。比德私相比附也。

歛時五福。用敷錫厥庶民。惟時厥庶民于汝  
 極。錫汝保極。凡厥庶民無有淫朋。人無有比  
 德。惟皇作極。凡厥庶民有猷。有為。有守。汝則  
 念之。不協于極。不罹于咎。皇則受之。而康而  
 色。曰予攸好德。汝則錫之福。時人斯其惟皇  
 之極。無虐筮獨而畏高明。人之有能有為。使  
 羞其行而邦其昌。凡厥正人既富。方穀汝弗  
 能。使有好于而家。時人斯其享于其無好德。  
 汝雖錫之福。其作汝用咎。無偏無陂。遵王之

蓋進也。臣人在官之人。固祿之也。設善也。

偏不中。假不平也。

女玉音訓

書經下

九







改正音訓

書經

庶民從龜從筮從汝則逆卿士逆吉汝則從

龜從筮逆卿士逆庶民逆作內吉作外凶龜

筮共違于人用靜吉用作凶○八庶徵曰雨

曰暘曰燠曰寒曰風曰時五者來備各以其

叙庶草蕃庶一極備凶一極無凶曰休徵曰

肅時雨若曰乂時暘若曰哲時燠若曰諫時

寒若曰聖時風若曰咎徵曰狂恒雨若曰僭

恒暘若曰豫恒燠若曰急恒寒若曰蒙恒風

若曰王省惟歲卿士惟月師尹惟日歲月日

變餘也

備無缺少也

叙庶草蕃庶也  
變餘也  
變餘也  
變餘也

恒安圖差也

豫急也迫也昧也

省悉井反

時無易百穀用成又用明俊民用章家用平

康日月歲時既易百穀用不成又用昏不明

俊民用微家用不寧庶民惟星星有好風星

有好雨日月之行則有冬有夏月之從星則

以風雨○九五福一曰壽二曰富三曰康寧

四曰攸好德五曰考終命六極一曰凶短折

二曰疾三曰憂四曰貧五曰惡六曰弱

旅獒

惟克商遂通道于九夷八蠻西旅底貢厥獒

凶不得其死也短折橫天也

獒牛刀及犬知人心可使者

西旅西方蠻夷國

文王在商朝







改正音訓

書經

之責于天。以且代某之身。予仁若考。能多材多藝。能事鬼神。乃元孫不若。且多材多藝。不能事鬼神。乃命于帝庭。敷佑四方。用能定爾子孫于下地。四方之民罔不祇畏。嗚呼。無墜天之降寶命。我先王亦未有依歸。今我即命于元龜。爾之許我。我其以璧與珪。歸俟爾命。爾不許我。我乃屏璧與珪。乃卜三龜。一習吉。啓籒見書。見非是吉。公曰。體王其罔害。予小子新命于三王。惟永終是圖。茲攸哉。能念予

即就也

即藏也。固重也。

匱藏一書之價。愈以金織之也。愈也。

孺子成王也。固讀為避。

謂讓也。

一人公歸。乃納冊于金縢之匱中。王翼百乃。○武王既喪管叔及其羣弟。乃流言於國。曰。公將不利於孺子。周公乃告曰。公曰。我之弗辟。我無以告我先王。周公居東二年。則罪人斯得。于後。公乃為詩以貽王。名之曰鴟鴞。王亦未敢誚公。○秋大熟。未獲。天大雷電。以風木盡偃。大木斯拔。邦人大恐。王與大夫盡弁。以啓金縢之書。乃得周公所自以為功代武王之說。二公及王乃問諸史與百執事。對



當作親

國發語辭猶虞書  
咨差之例用恤也

承上語辭已而  
有不能已之意  
布節飾也

寧王武王也以其  
克殷以安天下也

無知之貌

天國諸也

往也

也武也

事也

大熟

大誥

王若曰猷大誥爾多邦越爾御事弗弔天降  
割于我家不少延洪惟我勿冲人嗣無疆大

歷服弗造哲迪民康矧曰其有能格知天命  
已予惟小子若涉淵水予惟往求朕攸濟敷  
貫敷前人受命茲不忘大功予不敢閉于天  
降威用寧王遣我大寶龜紹天明即命曰有  
大艱于西土西土人亦不靜越茲蠢殷小腆  
誕敢紀其叙天降威知我國有疵民不康曰  
予復反鄙我周邦今蠢今翼日民獻有十夫  
予翼以于救寧武圖功我有大事休朕上并  
吉身予告我友邦君越尹氏庶士御事曰予

書經

大誥



改正音訓

得吉ト予惟以爾庶邦于伐殷ト播臣爾庶

邦君越庶士御事罔不及曰艱大民不靜亦

惟在王宮邦君室越予小子考翼不可ト

害不違ト肆予冲人求思艱曰嗚呼ト

寡哀哉予造天役遺大投艱于朕身越予冲

人不叩自恤義爾邦君越爾多ト予ト

綏予曰無怒于恤不可不成乃寧考圖功已

予惟小子不敢替上帝命天休于寧主興我

小邦周寧主惟ト用克綏受茲命今天其相

省悉井反

民矧亦惟ト用嗚呼天明畏弼我不丕基王

曰爾惟舊人爾不克遠省爾知寧主若勤哉

天闕ト怒我成功所予不敢不極ト寧主圖事

肆予大化誘我友邦君天ト斐忱辭其考我民

予曷其不于前寧人圖功攸終天亦惟用勤

怒我民若有疾予曷敢不于前寧人攸受休

畢王曰若昔朕其逝朕言艱日思若考作室

既底法厥子乃弗肯堂矧ト肯構厥父ト留厥子

乃弗肯播矧肯獲厥考翼其旨曰予有後弗

害曷也

謂為也

仰五國及我也

因音秘勞也

困者否閉而不通  
因者艱難而不易

困輔也

前日也

等與父敬事者

收在音訓



民正言

官也未詳(肆)放也  
欲其舒放而不畏  
縮也  
變明也

棄基肆予曷敢不越印救寧王大命若兄考  
乃有友伐厥子民養其勸弗救王曰嗚呼肆  
哉爾庶邦君越爾御事爽邦由哲亦惟十人  
迪知上帝命越天棐忱爾時罔敢易法矧今  
天降戾于周邦惟大艱人誕鄰胥伐于厥室  
爾亦不知天命不易予末念曰天惟喪殷若  
稽夫予曷敢不終朕畝天亦惟休于前寧人  
予曷其極卜敢弗于從率寧人有指疆土矧  
今卜并吉肆朕誕以爾東征天命不僭卜陳

惟若茲

### 微子之命

王若曰猷殷王元子。惟稽古崇德象賢統承  
先王修其禮物作賓于王家與國咸休末世  
無窮嗚呼乃祖成湯克齊聖廣淵皇天眷佑  
誕受厥命撫民以寬除其邪虐功加于時德  
垂後裔爾惟踐修厥猷舊有令聞恪慎克孝  
肅恭神人予嘉乃德曰篤不忘上帝時歆下  
民祇協庸建爾于上公尹茲東夏欽哉往敷

(元子)長子也

(禮)典禮物文物也

(誕)大也

(猷)道也隆敬也

(猷)慶備用也

(尹)治也

文正下



改正音請

既輔式法也

數音亦厥也

我生魄于六日也

則音現

圖長也言為諸侯之長也圖康叔名

乃訓慎乃服命率由典常以蕃王室弘乃烈  
祖律乃有民未綏厥位毗予一人世世享德  
萬邦作式俾我有周無斃嗚呼往哉惟休無  
替朕命

### 康誥

惟二月哉生魄周公初基作新大邑于東國  
洛四方民大和會侯甸男邦采衛百工播民  
和見士于周周公咸勤乃洪大誥治王若曰  
孟侯朕其弟小子封惟乃丕顯考文王克明

圖用也

圖畫計及

圖音聿述也圖服也

圖行也圖厚而大之地

文正音訓

德慎罰不敢侮鰥寡庸庸祇祇威威顯民用  
肇造我區夏越我一二邦以修我西土惟時  
怙冒聞于上帝帝休天乃大命文王殪戎殷  
誕受厥命越厥邦厥民惟時叙乃寡兄勗肆  
汝小子封在茲東土王曰嗚呼封汝念哉今  
民將在祗通乃文考紹聞衣德言往敷求于  
殷先哲王用保又民汝丕遠惟商考成人宅  
心知訓別求聞由古先哲王用康保民弘于  
天若德裕乃身不廢在王命王曰嗚呼小子



通音通痛也。如  
還反病也。

服事應和也

國用也

國偶也

封桐瘝乃身敬哉。天畏棗忱，民情大可見。小人難保，往盡乃心。無康好逸豫，乃其又民。我聞曰：怨不在大，亦不在小。惠不惠，懋不懋。已。汝惟小子，乃服惟弘。王應保殷民，亦惟助王。宅天命，作新民。王曰：嗚呼！封，敬明乃罰。人有小罪，非眚，乃惟終自作不典，式爾。有厥罪小，乃不可不殺。乃有大罪，非終，乃惟眚災，適爾。既道極厥辜，時乃不可殺。王曰：嗚呼！封，有叙。時乃大明服。惟民其勅懋和，若有疾，惟民其

稟魚列反法也

要囚獄辭之要者也。服念服膺而念之。旬十日。時三月。國斷也。國宜也。

次舍之次

國順也。國語辭之不能已也。

越順也。國音閱也。國徒對反惡也。

畢棄咎。若保赤子，惟民其康乂。非汝封，刑人殺人無或刑。人殺人，非汝封。又曰：劓，刑人無或劓。刑人，王曰：外事，汝陳。時臬司師茲殷罰。有倫。又曰：要囚，服念五六日。至于旬時，不蔽。要囚，王曰：汝陳。時臬司，罰蔽殷彝，用其義刑。義殺，勿庸以次。汝封，乃汝盡。遜曰：時叙。惟曰：未有遜事。已。汝惟小子，未其有若汝封之心。朕心，朕德，惟乃知。凡民自得罪，寇攘姦宄，殺越人于貨，罔不畏死。罔弗憝。王曰：封，元惡大

文三卷

書經

卷八



愍矧惟不孝不友于弗祗服厥父事大傷厥

考心于父不能字厥子乃疾厥子于弟弗念

天顯乃弗克恭厥兄兄亦不念鞠子哀大不

友于弟惟弔茲不于我政人得罪天惟與我

民彛大泯亂曰乃其速由文王作罰刑茲無

赦不率大曼矧惟外庶于訓人惟厥正人越

小臣諸節乃別播敷造民大譽弗念弗庸瘵

厥君時乃引惡惟朕愍已汝乃其速由茲義

率殺亦惟君惟長不能厥家人越厥小臣外

正惟威惟虐大放王命乃非德用又汝亦罔

不克敬典乃由裕民惟文王之敬忌乃裕民

曰我惟有及則予一人以懌王曰封爽惟民

迪吉康我時其惟殷先哲王德用康又民作

求矧今民罔迪不適不迪則罔政在厥邦王

曰封予惟不可不監告汝德之說于罰之行

今惟民不靜未戾厥心迪屢未同獎惟天其

罰殛我我其不怨惟厥罪無在大亦無在多

矧曰其尚顯聞于天王曰嗚呼封敬哉無作

天顯猶孝經所謂  
天明尊卑顯然之  
序也  
罔音的

國訖豎友法也言  
民之不察教者固  
可大寘之法也

求等也

罔止也



國未詳

怨勿用非謀非彛蔽時忱不則敏德用康乃  
心顧乃德遠乃猷裕乃以民寧不汝瑕矜王  
日嗚呼肆汝小子封惟命不干常汝念哉無  
我殄享明乃服命高乃聽用康又民王若曰  
往哉封勿替敬典聽朕告汝乃以殷民世享

酒誥

王若曰明大命于妹邦乃穆考文王肇國在  
西土厥誥恣庶邦庶士越少正御事朝夕曰  
祀茲酒惟天降命肇我民惟元祀天降威我

穆敬也或曰文王  
世次為穆

戒謹也少正官  
之副貳也

有正有官守其有  
事有職事者

無母同歸常也

嗣續絕天也

音古  
敬也服事也賈

去聲洗滌典反  
致其潔也他典  
反致其厚也

惟君未詳

民用大亂喪德亦罔非酒惟行越小大邦用  
喪亦罔非酒惟辜又王誥教小子有正有事  
無彛酒越庶國飲惟祀德將無醉惟曰我民  
迪小子惟土物愛厥心戒聽聽祖考之彛訓  
越小大德小子惟一妹土嗣爾股肱純其藝  
黍稷奔走事厥考厥長肇牽車牛遠服賈用  
孝養厥父母厥父母慶自洗腆致用酒庶士  
有正越庶伯君子其爾典聽朕教爾大克羞  
奇惟君爾乃飲食醉飽不惟曰爾克來觀省

文三

惟君未詳

上



不助也用逸用以宴樂也

祖徃也輔佐文王在日之邦君御事小子也

作稽中德爾尚克羞饋祀爾乃自介用逸茲  
乃允惟王正事之臣茲亦惟天若元德末不  
忘在王家王曰封我西土棗祖邦君御事小  
子尚克用文王教不腆于酒故我至于今克  
受殷之命王曰封我聞惟曰在昔殷先哲王  
迪畏天顯小民經德秉哲自成湯咸至于帝  
乙成王畏相惟御事厥棗有恭不敢自暇自  
逸矧曰其敢崇飲越在外服侯甸男衛邦伯  
越在內服百僚庶尹惟亞惟服宗工越百姓

闕安也國乞力反痛也  
國下繼反

里居罔敢酒于酒不惟不敢亦不暇惟助成  
王德顯越尹人祗辟我聞亦惟曰在今後嗣  
王酣身厥命罔顯于民祗保越怨不易誕惟  
厥縱淫泆于非彝用燕喪威儀民罔不盡傷  
心惟荒腆于酒不惟自息乃逸厥心疾狠不  
克畏死辜在商邑越殷國滅無懼弗惟德馨  
香祀登聞于天誕惟民怨庶羣自酒腥聞在  
上故天降喪于殷罔愛于殷惟逸天非虐惟  
民自速辜王曰封予不惟若茲多誥古人有



改正音訓

勸五八及用力也

服休坐而論道之  
臣則進而作事  
之也

馬也農  
官司徒也宏  
空也  
失也

不忘之也  
皆教辭而言  
上享下之享

辨治也乃司有司也

謂常也師師以官師為師也

謂正官之長  
大夫也  
勞也

臣往也  
罪人所過  
若以下至  
戕賊  
人宜文多  
未詳  
三監之監

言曰人無於水監當於民監今惟殷墜厥命

我其可不大監撫于時予惟曰汝劫劫劫劫劫

臣侯甸男衛矧太史友內史友越獻告臣百宗

工矧惟爾事服休服采矧惟若疇圻父薄薄

農爰若保宏父定辟矧汝剛制于酒厥以誥

曰羣飲汝勿佚盡執拘以歸于周予其殺又

惟殷之迪諸臣惟工乃酒于酒勿庸殺之姪

惟教之有斯明享乃不用我教辭惟我一人

弗恤弗繩乃事時同于殺王曰封汝與職朕

恣勿辨乃司民酒于酒

### 梓材

王曰封以厥庶民暨厥臣達大家以厥臣達

王惟邦君汝若恒越曰我有師師司徒司馬

司空尹旅曰予罔厲殺人亦厥君先敬然肆

徂厥敬勞肆往慈究殺人歷人宥肆亦見厥

君事戕賊人宥王啓監厥亂為民曰無胥我

無胥虐至于敬寡至于屬婦合由以容王其

效邦有越御事厥命曷以引養引情自古王







改正音言

曷何也其語辭

画郷也

保乃以庶邦冢君出取幣乃復入錫周公曰  
 拜手稽首旅王若公誥告庶殷越自乃御事  
 嗚呼皇天上帝改厥元子茲大國殷之命惟  
 王受命無疆惟休亦無疆惟恤嗚呼曷其奈  
 何弗敬天既遐終大邦殷之命茲殷多先哲  
 王在天越厥後王後民茲服厥命厥終智  
 瘵在夫知保抱攜持厥婦子以哀籲天祖厥  
 亡出執嗚呼天亦哀于四方民其眷命用懋  
 王其疾敬德相古先民有夏天迪從子保画

和也

晉魚織反險也

中故謂之士中

稽天若今時既墜厥命今相有殷天迪格保  
 面稽天若今時既墜厥命今沖子嗣則無遺  
 壽考曰其稽我古人之德矧曰其有能稽謀  
 自天嗚呼有王雖小元子哉其不能誠于小  
 民今休王不敢後用顧畏于民畀王來紹上  
 帝自服于土中且曰其作大邑其自時配皇  
 天慈祀于上下其自時中又王厥有成命治  
 民今休王先服殷御事比介于我有周御事  
 節性惟日其邁王敬作所不可不敬德我不



可不監于有夏亦不可不監于有殷我不敢  
知曰有夏服天命惟有歷年我不敢知曰不  
其延惟不敬厥德乃早墜厥命我不敢知曰  
有殷受天命惟有歷年我不敢知曰不其延  
惟不敬厥德乃早墜厥命今王嗣受厥命我  
亦惟茲二國命嗣若功王乃初服嗚呼若生  
子罔不在厥初生自貽哲命今天其命哲命  
吉凶命歷年知今我初服宅新邑肆惟王其  
疾敬德王其德之用祈天永命其惟王勿以

元首也

雙民殷之頑民友  
民周之友順之民

宋終也

小民淫用非彝亦敢殄戮用乂民若有功其  
惟王位在德元小民乃惟刑用于天下越王  
顯上下勤恤其曰我受天命丕若有夏歷年  
式勿替有殷歷年欲王以小民受天永命拜  
手稽首曰予小臣敢以王之雙民百君子越  
友民保受王威命明德王未有成命王亦顯  
我非敢勤惟恭奉幣用供王能祈天永命

洛誥

周公拜手稽首曰朕復子明辟王如弗敢及

復如復逆之復



改正音訓

獨太保

谷師稱言京師也

禮音塵食先定  
墨而灼龜之北正  
食其墨也  
平補耕及使也

四配也

圖示也

貞猶當也

禮盛也

功也功之尊顯者

功也記功之載新也朋比也

天基命定命予乃亂保大相東土其基在民

明辟予惟乙卯朝至于洛師我上河朔黎水

我乃上澗水東澗水西惟洛食我又上澗水

東亦惟洛食俘來以圖及獻上王拜手稽首

曰公不敢不敬天之休來相宅其作周匹休

公既定宅俘來來視予上休恒吉我二人共

貞公其以予萬億年敬天之休拜手稽首誨

言周公曰王肇稱殷禮祀于新邑成秩無文

予齊百工俘從王于周予惟曰庶有事今王

即命日記功宗以功作元祀惟命曰汝受命

篤弼不視功載乃汝其悉自教工孺子其朋

孺子其朋其往無若火始燄燄厥攸灼叙弗

其絕厥若彝及撫事如予惟以在周工往新

邑俘嚮即有僚明作有功惇大成裕汝未有

辭公曰已汝惟冲子惟終汝其敬識百辟享

亦識其有不享享多儀儀不及物惟曰不享

惟不役志于享凡民惟曰不享惟事其爽侮

乃惟孺子頌朕不暇聽朕教汝于棗民彝汝



國章也 殷獻民 殷之賢者也

國至也

將大也

勞無方所也

穆穆和敬也

亂治也

禮大也

定止也

國漢書兩引之以 我作我

國典章也 殷獻民 殷之賢者也

多子象卿大夫也

師衆也 受信也 成也 刑也 刑也 刑也

女曰子川

乃是不獲乃時惟不末哉篤叙乃正父罔不  
若予不敢廢乃命汝往敬哉茲予其明農哉  
彼裕我民無遠用戾王若曰公明保予冲子  
公稱不顯德以予小子揚文武烈奉答天命  
和恒四方民居師停宗將禮稱秩元祀咸秩  
無文惟公德明光于上下勤施于四方勞作  
穆穆迓衡不迷文武勤教予冲子夙夜恭祀  
王曰公功斐迪篤罔不若時王曰公予小子  
其退即辟于周命公後四方迪亂未定于宗

禮亦未克我公功迪將其後監我十師工誡  
保文武受民亂為四輔王曰公定予往已公  
功肅將祇歡公無困哉我惟無斁其康事公  
勿替刑四方其世享周公拜手稽首曰王命  
予來承保乃文祖受命民越乃光烈考武王  
弘朕恭孺子來相宅其大惇典殷獻民亂為  
四方新辟作周恭先曰其自時中又萬邦咸  
休惟王有成績予且以多子越御事篤前人  
成烈各其師作周孚先考朕昭予刑乃單文

女曰子川

女曰子川



祀自許天... 也... 守... 也

禮於豷友

兩... 也... 國... 條... 次... 第... 也

國史佚也... 禮士... 玩... 及... 灌... 也

祖德... 乃命... 王惠... 引考... 戊辰... 牛一... 殺禋... 誥在... 年

多士

惟三月... 日爾... 周佑... 爾多... 曰亂... 豳為... 遂則... 有辭...

始... 未... 詳... 其... 為... 說... 之... 辭

說也



國治也

命爾先祖成湯。革夏後民。甸四方。自成湯至  
于帝乙。罔不明德。恤祀亦惟天。不建保。又  
殷殷王亦罔敢失帝。罔不配天。其澤在今。後  
嗣王誕罔顯于天。矧曰其有聽念于先王。數  
家誕淫厥。洪罔顧于天。顯民祗惟時。上帝不  
保降若茲大喪。惟天不畀不明。厥德凡四方  
小大邦。喪罔非有辭于罰王。若曰爾殷多士  
今惟我周王不靈。承帝事有命曰。割殷告勅  
于帝。惟我事不貳。適惟爾王家我適。予其曰

公言逸

國善也

惟爾洪無度。我不爾動。自乃邑。予亦念天。即  
于殷大戾肆。不正王曰。缺告爾多士。予惟時  
其遷居西爾。非我一人奉德。不康寧。時惟天  
命無違。朕不敢有後。無我怨。惟爾知。惟殷先  
人有册。有典。殷革夏命。今爾其曰。夏迪簡在  
王庭。有服在百餘。予一人惟聽用德。肆予敢  
求爾于天。邑商。予惟率肆於爾。非予罪。時惟  
天命。王曰。多士。昔朕來自奄。予大降爾四國。  
民命我乃明。致天罰。移爾遐逝。比事。臣我宗

大司馬



翰事也正居也

多遜王曰告爾殷多士。今予惟不爾殺。予惟時命有申。今朕作大邑于茲洛。予惟四方罔攸賓。亦惟爾多士。攸服奔走。臣我多遜。爾乃尚有爾土。爾乃尚寧。幹止爾克。敬天惟界。於爾爾不克。敬爾不啻。不有爾土。予亦致天之罰于爾躬。今爾惟時宅爾邑。繼爾居爾厥。有幹有年于茲洛。爾小子乃興從爾。遷王曰。又曰。時予乃或言爾攸居。

無逸

周公曰。嗚呼。君子所其無逸。先知稼穡之艱難。乃逸。則知小人之依。相小人。厥父母勤勞稼穡。厥子乃不知稼穡之艱難。乃逸。乃諺既誕。否則侮厥父母曰。昔之人無聞。知周公曰。嗚呼。我聞曰。昔在殷王中宗。嚴恭寅畏。天命自度。治民祗懼。不敢荒寧。肆中宗之享國七十有五年。其在高宗時。舊勞于外。爰暨小人。作其即位。乃或晁陰。二年不言。其惟不言。乃維不敢荒寧。嘉靖殷邦。至于小人無時。或

雍音梁國音菴

雍和也



怨身尚宗之享國五十有九年其在祖甲不  
 義惟王舊為小人作其即位爰知小人之依  
 能保惠于庶民不敢侮鰥寡肆祖甲之享國  
 三十有三年自時厥後立王生則逸生則逸  
 不知稼穡之艱難不聞小人之勞惟耽樂之  
 從自時厥後亦罔或克壽或十年或七八年  
 或五六年或四三年周公曰嗚呼厥亦惟我  
 周太王王季克自抑畏文王甲服即康功田  
 功徽柔懿恭懷保小民惠鮮鰥寡自朝至于

康功安民之功田  
 功養民之功  
 徽懿皆美也

則法也

無與毋通與與違  
 通則法若順則法  
 也

胥相訓誡順也

壽張流及誰也張  
 誕也幻音患變名  
 易實以眩觀者曰  
 幻

日中昃不遑暇食用咸和萬民文王不敢盤  
 于遊田以庶邦惟止之供文王受命惟中身  
 厥享國五十年周公曰嗚呼繼自今嗣王則  
 其無淫于觀于逸于遊于田以萬民惟止之  
 供無皇曰今日耽樂乃非民攸訓非大攸若  
 時人不則有愆無若殷王受之迷亂酗于酒  
 德哉周公曰嗚呼我聞曰古之人猶胥訓告  
 胥保惠胥教誨民無或胥壽張為幻此厥不  
 聽人乃訓之乃變亂先王之正刑至于小人



否。俯久及。國。助。及。訥。音。冗。

迴。踏。智。也。

纏。尺。約。及。大。也。

叢。聚。也。

民。否。則。厥。心。違。怨。否。則。厥。口。詛。祝。周。公。曰。嗚。呼。自。殷。王。中。宗。及。高。宗。及。祖。甲。及。我。周。文。王。茲。四。人。迪。哲。厥。或。告。之。曰。小。人。怨。汝。詈。汝。則。皇。自。敬。德。厥。愆。曰。朕。之。愆。允。若。時。不。啻。不。敢。含。怒。此。厥。不。聽。人。乃。或。講。張。為。幻。曰。小。人。怨。汝。詈。汝。則。信。之。則。若。時。不。末。念。厥。辟。不。寬。綽。厥。心。亂。罰。無。罪。殺。無。辜。怨。有。同。是。叢。于。厥。身。周。公。曰。嗚。呼。嗣。王。其。監。于。茲。

君。奭。

周。公。若。曰。君。奭。弗。弔。天。降。喪。于。殷。殷。既。墜。厥。命。我。有。周。既。受。我。不。敢。知。曰。厥。基。末。乎。于。休。若。大。斐。忱。我。亦。不。敢。知。曰。其。終。出。于。不。祥。嗚。呼。君。已。曰。時。我。我。亦。不。敢。寧。于。上。帝。命。弗。末。遠。念。天。威。越。我。民。罔。尤。違。惟。人。在。我。後。嗣。子。孫。大。弗。克。恭。上。下。退。伏。前。人。先。在。家。不。知。大。命。不。易。天。難。謀。乃。其。墜。命。弗。克。經。歷。嗣。前。人。恭。明。德。在。今。予。小。子。且。非。克。有。止。迪。惟。前。人。光。施。于。我。冲。子。又。曰。大。不。可。信。我。道。惟。寧。主。

國。時。主。反。



德延天不庸釋于文王受命公曰君爽我聞  
 在昔成湯既受命時則有若伊尹格于皇天  
 在太甲時則有若保衡在太戊時則有若伊  
 陟臣扈格于上帝巫咸又王家在祖乙時則  
 有若巫賢在武丁時則有若甘盤率惟茲有  
 陳保又有殷故殷禮陟配天多歷年所天惟  
 純佑命則商實百姓王人罔不秉德明恤小  
 臣屏侯甸矧咸奔走惟茲惟德稱用又厥辟  
 故一人有事于四方若卜筮罔不是乎公曰

陽升遐也

甲重勳也

國莫結反無也

君爽天壽平格保又有殷有殷嗣天滅威今  
 汝求念則有回命厥亂明我新造邦公曰君  
 爽在昔上帝割申勸寧王之德其集大命于  
 厥躬惟文王尚克修和我有夏亦惟有若鏡  
 叔有若閔大有若散宜生有若泰顛有若南  
 官括又曰無能往來茲迪彝教文王受德降  
 于國人亦惟純佑秉德迪知大威乃惟時昭  
 文王迪見冒聞于上帝惟時受有殷命哉武  
 王惟茲四人尚迪有祿後暨武王誕將大威



劉殺也圍盡也

咸劉厥敵惟茲四人昭武王惟冒不單稱德

今在予小子且若游大川予往暨汝頌其濟

小子向未即位誕無我責收罔勛不及考造

德不降我則鳴鳥不聞矧曰其有能格公曰

嗚呼君肆其監于茲我受命無疆惟休亦大

惟艱告君乃猷裕我不以後人迷公曰前人

敷乃心乃悉命汝作汝民極曰汝明勛偶王

在會乘茲天命惟文王德不承無疆之恤公

曰君告汝朕允保奭其汝克敬以予監于殷

亂也

喪大否肆念我天威予不允惟若茲誥予惟

曰襄我二人汝有合哉言曰在時二人天休

滋至惟時二人弗欺其汝克敬德明我俊民

在讓後人于不時嗚呼篤集時一人我式克

至于今日休我咸成文王功于不怠不冒海

隅出日罔不率俾公曰君予不惠若茲多誥

予惟用閔于天越民公曰嗚呼君惟乃知民

德亦罔不能厥初惟其終祇若茲往敬用治

蔡仲之命

國勝也戰堪古通用

國大也



惟周公位冢宰。正百工。羣叔流言。以致辟管叔于商。囚蔡叔于郭鄰。以車七乘。降霍叔于庶人。三年不齒。蔡仲克庸。祇德。周公以為卿士。叔卒。乃命諸王。邦之。蔡王若曰。小子胡。惟爾率德。改行克俱。厥猷肆于命。爾侯于東土。往卽乃封。敬哉。爾尚蓋前人之愆。惟忠。惟孝。爾乃邁迹。自身克勤。無怠。以垂憲。乃後率乃祖。文王之彝訓。無若爾考之違。王命。皇天無親。惟德。是輔。民心無常。惟惠之懷。為善不同。

同歸于治。為惡不同。同歸于亂。爾其戒哉。慎厥初。惟厥終。終以不困。不惟厥終。終以困窮。懋乃攸績。睦乃四鄰。以蕃王室。以和兄弟。康濟小民。率自中無作。聰明亂舊。章詳乃視聽。罔以側言。改厥度。則予一人汝嘉。王曰。嗚呼。小子胡。汝往哉。無荒棄朕命。

多方

惟五月丁亥。王來自奄。至于宗周。周公曰。王若曰。猷告爾四國。多方惟爾殷侯。尹民。我惟

率循也。無母同。

側言一偏之詞也。

無與母通。



改正音

勸勉也通啓迪也

甲始也

反 四他刀反 圓陟利

圃擇也

大降爾命爾罔不知洪惟圖天之命弗末寅  
 念于祀惟帝降格于夏有夏誕厥逸不肯感  
 言于民乃大淫昏不克終日勸于帝之迪乃  
 爾攸聞厥圖帝之命不克聞于民之麗乃大  
 降罰崇亂有夏因甲于內亂不克靈承于旅  
 罔不惟進之恭洪舒于民亦惟有夏之民叨  
 憤日欽劓割夏邑天惟時求民主乃大降  
 休命于成湯刑殄有夏惟天不畀紂乃惟以  
 爾多方之義民不克求于多享惟夏之恭多

士大不克明保享于民乃胥惟虐于民至于  
 百為大不克開乃惟成湯克以爾多方簡代  
 夏作民主慎厥麗乃勸厥民刑用勸以至于  
 帝乙罔不明德慎罰亦克用勸要囚殄戮多  
 罪亦克用勸開釋無辜亦克用勸今至于爾  
 辟弗克以爾多方享夫之命嗚呼王若曰誥  
 告爾多方非大庸釋有夏非大庸釋有殷乃  
 惟爾辟以爾多方大淫圖天之命膺有辭乃  
 惟有夏圖厥政不集于享天降時喪有邦聞

大正

書經

卷二



改正音言

之乃惟爾商後王逸厥逸圖厥政不蠲烝天  
惟降時喪惟聖罔念作狂惟狂克念作聖天  
惟五年須臾之子孫誕作民主罔可命聽天  
惟求爾多方大動以威開厥顧天惟爾多方  
罔堪顧之惟我周王靈承于旅克堪用德惟  
典神天天惟式教我用休簡畀殷命尹爾多  
方今我曷敢多諶我惟大降爾四國民命爾  
曷不忱裕之于爾多方爾曷不夾介又我周  
王享天之命今爾尚宅爾宅畋爾田爾曷不

興王國用也

監監洛邑之遷民  
者也

興事也

惠王熙天之命爾乃迪屢不靜爾心未愛爾  
乃不宅宅天命爾乃膺播天命爾乃自作不  
典圖忱于正我惟時其教告之我惟時其戰  
要囚之至于再至于三乃有不用我降爾命  
我乃其人罰殛之非我有周秉德不康寧乃  
惟爾自速辜王曰嗚呼猷告爾有方多士暨  
殷多士今爾奔走臣我監五祀越惟有胥伯  
小太多正爾罔不克臬自作不和爾惟和哉  
爾室不睦爾惟和哉爾邑克明爾惟克勤乃



改正音言

國更也穆穆和敬

事爾尚不忌于凶德亦則以穆穆在乃位克  
 閱于乃邑謀介爾乃自時洛邑尚求力政爾  
 田天惟界矜爾我有周惟其大介賚爾迨簡  
 在王庭尚爾事有服在大僚王曰嗚呼多士  
 爾不克勸忱我命爾亦則惟不克享凡民惟  
 曰不享爾乃惟逸惟頗大遠王命則惟爾多  
 方探天之威我則致天之罰離湫爾土王曰  
 我不惟多誥我惟祗告爾命又曰時惟爾初  
 不克敬于和則無我怨

### 立政

周公若曰拜手稽首告嗣天子王矣用咸戒  
 于王曰王左右常伯常任準人綴衣虎賁周  
 公曰嗚呼休茲知恤鮮哉古之人迪惟有夏  
 乃有室大競顛俊尊上帝迪知忱恂于九德  
 之行乃敢告教厥后曰拜手稽首后矣曰宅  
 乃事宅乃牧宅乃準茲惟后矣謀面用丕訓  
 德則乃宅人茲乃三宅無義民玆德惟乃弗  
 作往任是惟暴德罔後亦越成湯陟丕釐上

綴朱衛下劣二反  
賁音奔

陶音苟



改正言訓

取光也

惟思民法也

蓋刑進任刑戮者也  
也廣習備諸眾醜者也

同音并牧其地什伍其民也

帝之耿命乃用三有宅克卽宅曰三有俊克  
 卽俊嚴惟丕式克用三宅三俊其在商邑用  
 勗于厥邑其在四方用丕式見德嗚呼其在  
 受德譬惟羞刑暴德之人同于厥邦乃惟庶  
 習逸德之人同于厥政帝欽罰之乃伴我有  
 夏式商受命奄旬萬姓亦越文王武王克知  
 三有宅心灼見三有俊心以敬事上帝立民  
 長指立政伴人準夫牧作三事虎賁綴衣趣  
 馬小尹左右攜僕百司庶府大都少伯藝人

應眾也

率道也救功安天下之功

表臣百司太史尹伯庶常吉士司徒司馬司  
 空亞旅夷微盧烝三亳阪尹文王惟克厥宅  
 心乃克立茲常事司牧人以克俊有德文王  
 罔攸兼于庶言庶獄庶慎惟有司之牧夫是  
 訓用違庶獄庶慎文王罔敢知于茲亦越武  
 王率惟救功不敢替厥義德率惟謀從容德  
 以並受此丕丕基嗚呼孺子王矣繼自今我  
 其立政立事準人牧夫我其克灼知厥若不  
 乃俾亂相我受民和我庶獄庶慎時則勿有

故注音訓

書經

卷之六



以正言言

聞之自一語一言。我則未惟成德之夢。以又  
我受民嗚呼。予且已受人之微言。感言孺子  
王矣。繼自今。文子文孫。其勿誤于庶獄。庶慎  
惟正。是人之自。古商人亦越我周文王立政  
立事。牧夫準人。則克宅之。克由繹之。茲乃俾  
入國。則固有立政。用儉人不訓于德。是罔類  
在厥世。繼自今立政。其勿以儉人其惟吉士。  
用勸相我國家。今文子文孫。孺子王矣。其勿  
誤于庶獄。惟有司之牧夫。其克詰爾戎。其以

勸音謹勉也

謂治也

覲見也

陟禹之迹。方行天下。至于海表。罔有不服。以  
覲文王之耿光。以揚武王之太烈。嗚呼。繼自  
今後。王立政。其惟克用常人。周公若曰。太史  
司寇蘇公式敬爾由獄。以長我王國。茲式有  
慎。以列用中罰。

### 周官

惟周王撫萬邦。巡侯甸。四征弗庭。綏厥兆民。  
六服羣辟。罔不承德。歸于宗周。書正治官。王  
曰。若昔。百大猷。制治于未亂。保邦于未危。曰唐

備督也

庭直也

故注詩訓

建書經下

四十一



虞禘古建官惟百內有百揆四岳外有州牧  
侯伯庶政惟和萬國咸寧夏商官倍亦克用  
又明王立政不惟其官惟其人今予小子祇  
勤于德夙夜不逮仰惟前代時若訓迪厥官  
立太師太傅太保茲惟三公論道經邦燮  
陰陽官不必備惟其人少師少傅少保曰三  
孤貳公弘化寬亮天地弼予一人冢宰掌邦  
治統百官均四海司徒掌邦教敷五典撥  
民宗伯掌邦禮治神人和上下司馬掌邦政

撥馴也

統六師平邦國司寇掌邦禁詰姦慝刑暴亂  
司空掌邦土居四民時地利六卿分職各率  
其屬以倡九牧阜成兆民六年五服一朝又  
六年王乃時巡考制度于四岳諸侯各朝于  
方岳大明黜陟王曰嗚呼凡我有官君子欽  
乃攸司慎乃出令令出惟行弗惟反以公滅  
私民其允懷學古入官議事以制政乃不迷  
其爾典常作之師無以利口亂厥官蓋疑敗  
謀怠忽荒政不學牆面在事惟煩戒爾卿士

因錯謬也

收注新刊

書經卷六

四十一



陽都玩反

功崇惟志業廣惟勤惟克果斷乃罔後艱位

不期驕祿不期後恭儉惟德無載爾爲作德

心逸日休作僞心勞日拙居寵思危罔不惟

畏弗畏人畏推賢讓能庶官乃和不和政靡

舉能其官惟爾之能稱匪其人惟爾不任王

曰嗚呼三事暨大夫敬爾有官亂爾有政以

佐乃辟末康兆民萬邦惟無斁

君陳

王若曰君陳惟爾令德孝恭惟孝友于兄弟

克施有政命汝尹茲東郊敬哉昔周公師保

萬民民懷其德往慎乃司茲率厥常懋昭周

公之訓惟民其乂我聞曰至治馨香感于神

明黍稷非馨明德惟馨爾尚式時周公之猷

訓惟日孜孜無敢逸豫凡人未見聖若不克

見既見聖亦不克由聖爾其戒哉爾惟風下

民惟草圖厥政莫或不艱有廢有興出入自

爾師虞庶言同則繹爾有嘉謀嘉猷則入告

爾后于內爾乃順之于外曰斯謀斯猷惟我

爾衆圖度也

爾莫反

爾亦舉也



改正音訓

書經

卷一

后之德嗚呼。臣人咸若。時惟良顯哉。王曰。君  
 陳爾。惟弘周公丕訓。無後。勢作威。無倚。法以  
 削寬。而有制。從容以和。殷民在辟。予曰。辟爾  
 惟勿。辟予曰。宥爾。惟勿宥。惟厥中有弗。若于  
 汝政。弗化于汝訓。辟以止。辟乃辟。狃于茲。究  
 敗常。亂俗。三細不宥。爾無忿疾。干頑無求。備  
 于一夫。必有忍。其乃有濟。有容德。乃大簡。厥  
 修亦簡。其或不修。進厥良以率。其或不良。惟  
 民生厚。因物有遷。違上所命。從厥攸好。爾克

細習也

敬典在德。時乃罔不變。允升于大猷。惟予一  
 人膺受多福。其爾之休。終有辭於末世。

顧命

詔音 詔音 悔

惟四月哉。生魄。王不憚甲子。王乃洮頰水。相  
 被冕服。憑玉几。乃同召太保。奭。芮。伯。彤。伯。畢  
 公。衛侯。毛。公。師氏。虎。臣。百尹。御事。王曰。嗚呼。  
 疾大漸。惟幾病曰臻。既彌留。恐不獲。誓言。嗣  
 茲予審訓命。汝昔君文王武王。宜重光。奠麗  
 陳敘。則肄肄不違。用克達殷集大命。在後之

奠定 圖依也

文選

四十一



改正音訓

同音同思也

伺敬透天威嗣守文武大訓無敢昏逾今天

降疾殆弗興弗悟爾尚明時朕言用敬保元

子釗弘濟于艱難柔遠能邇安勸小大庶邦

思夫人自亂于威儀爾無以釗員貢于非幾

茲既受命還出綴衣于庭越翼日乙丑王崩

太保命仲桓南宮毛俾爰齊侯呂伋以二十

戈虎賁百人逆子釗於南門之外延入翼室

恤宅宗丁卯命作冊度越七日癸酉伯相命

士須材秋設黼辰綴衣牖間南嚮敷重篋席

仍因也因生時所設也

黼純華玉仍几西序東嚮敷重底席綴純文

貝仍几東序西嚮敷重豐席畫純雕玉仍几

西夾南嚮敷重筍席玄紛純漆仍几越玉五

重陳寶赤刀大訓弘璧琬琰在西序大玉夷

玉天球河圖在東序胤之舞衣大貝鼓鼓在

西房兌之戈和之弓垂之竹矢在東房大輅

在賓階面綴輅在阼階面先輅在左塾之前

次輅在右塾之前一人雀弁執憲立于畢門

之內四人綦弁執戈上夾兩階祀一人冕

亂治也圓進也

還音旋

延引也

須取也國莫結反

既於阮又既以再反

徒外反

三隅字

鈕里及堂廉

經

經

四



改正音言

劉鉞屬

屬 綏音達綏國音載

綏當作執音允侍 臣所執其國既西 反升也

同爵名

皇大后君也

下法也

眇小而如亂治也

獨進爵也唯陳嫁 反莫爵也

醫才詰反以酒至 尚也(坐)居也

市陳也(坐)四馬也 諸侯皆陳四黃馬 而朱其鬣以為廷 實也

禮舉也

執劉立于東堂一人冕執鉞立于西堂一人

冕執綏立于東垂一人冕執瞿立于西垂一

人冕執鏡立于側階王麻冕黼裳由賓階降

卿士邦君麻冕蟻裳入即位太保太史太宗

皆麻冕彤裳太保承介圭上宗奉同瑁由阼

階隣太史秉書由賓階隣御王冊命曰皇后

憑玉几道揚末命命汝嗣訓臨君周邦率循

大卜燮和天下用答揚文武之光訓王再拜

興答曰眇眇予末小子其能而亂四方以敬

忌天威乃受同瑁王三宿三祭三吃上宗曰

饗太保受同降盥以異同秉璋以酢授宗人

同拜王答拜太保受同祭嚶宅授宗人同拜

王答拜太保降收諸侯出廟門侯

### 康王之誥

王出在應門之內太保率西方諸侯入應門

左畢公率東方諸侯入應門右皆布乘黃朱

賓稱奉圭兼幣曰一二臣衛敢執壤奠皆再

拜稽首王義嗣德答拜太保暨芮伯咸進相

禮宜也

禮記

卷五



以九反。若未詳或曰。美里也。文王出。美里之囚。天命自是始。順陟。升遐也。武王初崩。未諡。故曰新陟。王。囑。盡也。皇。大也。

揖皆再拜稽首曰。敢敬告天子。皇天改大邦  
殷之命。惟周文武誕受。美若克恤西土。惟新  
陟王。畢協賞罰。裁定厥功用。敷遺後人。似公  
王敬之哉。張皇六師。無壞我高祖寡命。王若  
曰。庶邦侯甸男衛。惟予一人釗。報誥昔君文  
武。丕平富。丕務咎。底至齊。信用昭明于天下。  
則亦有熊羆之士。不二心之臣。保乂王家用。  
端命于上帝。皇天用訓厥道。付畀四方。乃命  
建侯樹屏。在我後之人。今予一二伯父。尚胥

暨顧綏爾。先公之臣。服于先王。雖爾身在外。  
乃心罔不在王室。用奉恤厥若。無遺鞠于羞。  
羣公既皆聽命。相揖趨出。王釋冕。及喪服。

### 畢命

惟十有二年。六月庚午。朏。越三日壬申。王朝  
步自宗周。至于豐。以成周之衆。命畢公保釐  
東郊。王若曰。嗚呼。父師。惟文王武王。敷大德  
于天下。用克受殷命。惟周公左右先王。綏定  
厥家。終殷頑民。遷于洛邑。密邇王室。式化厥

理也



懋盛大之意

國善惡也。多早及病也。

訓既歷三紀。世變風移。四方無虞。予一人以寧。道有升降。政由俗革。不臧厥臧。民罔攸勸。惟公懋德。克勤小物。弼亮四世。正色率下。罔不祇師。言嘉績多。于先王。予小子垂拱仰成。王曰。嗚呼。父師。今予祇命。公以周公之事。往哉。旌別淑慝。表厥宅里。彰善癉惡。樹之風聲。弗率訓典。殊厥井疆。俾克畏慕。申畫郊圻。慎固封守。以康四海。政貴有恒。辭尚體要。不惟好異。商俗靡靡。利口惟賢。餘風未殄。公其念

獨枯瓜反

哉。我聞曰。世祿之家。鮮克由禮。以蕩陵德。實悖天道。敝化奢靡。萬世同流。茲殷庶士。庸寵惟舊。怙侈滅義。服美于人。驕淫矜侈。將由惡終。雖收放心。閑之惟艱。資富能訓。惟以末年。惟德惟義。時乃大訓。不由古訓。于何其訓。王曰。嗚呼。父師。邦之安危。惟茲殷士。不剛不柔。厥德允修。惟周公克慎。厥始。惟君陳克和。厥中。惟公克成。厥終。三后協心。同感于道。道洽政治。澤潤生民。四夷左社。罔不咸賴。予小子



聞音問

未應多福。公其惟時成周建無窮之基。亦有無窮之聞。子孫訓其成式。惟又嗚呼。罔曰弗克。惟既厥心。罔曰民寡。惟慎厥事。欽若先王。成烈以休于前政。

君牙

王若曰。嗚呼。君牙。惟乃祖及父世篤忠貞。服勞王家。厥有成績。紀于太常。惟予小子嗣守文武成康遺緒。亦惟先王之臣克左右。亂四方。心之憂矣。若蹈虎尾。涉于春冰。今命爾予

爾大也

觀謀劬功也

翼在股肱。心膂續乃舊服。無忝祖考。弘敷五典。式和民則。爾身克正。罔敢弗正。民心罔中。惟爾之中。夏暑甫小。民惟曰怨咨。冬祁寒小。民亦惟曰怨咨。厥惟艱哉。思其艱以圖其易。民乃寧。嗚呼。丕顯哉。文王謨丕承哉。武王烈啓佑我後人。咸以正罔缺。爾惟敬明乃訓。用奉若于先王。對揚文武之光命。追配于前王。若曰。君牙。乃惟由先王舊典。時式民之治亂。在茲。率乃祖考之攸行。昭乃辟之有乂。



同俱承友  
改正音讀

### 問命

王若曰。伯冏。惟予弗克于德。嗣先人宅丕后。  
 怵惕。惟厲中夜。以興思免。厥愆昔在文武。聰  
 明齊聖。小大之臣。咸懷忠良。其侍御僕從。罔  
 匪正人。以旦夕承弼厥辟。出入起居。罔有不  
 欽。發號施令。罔有不臧。下民祇若。萬邦咸休。  
 惟予一人無良。實賴左右前後有位之士。匡  
 其不及。繩愆糾謬。格其非心。俾克紹先烈。今  
 予命汝作大正。正于羣僕侍御之臣。懋乃庸  
 德。交修不逮。慎簡乃僚。無以巧言令色。便辟  
 側媚。其惟吉士。僕臣正。厥后克正。僕臣諛。厥  
 后自聖。后德惟臣。不德惟臣。爾無昵于儉人。  
 克耳目之官。迪上以非先王之典。非人其吉。

繩直糾正也

### 呂刑

惟呂命王。享國百有五年。耄荒度作刑。以詰四方。  
 王曰。若古有訓。蚩尤惟始作亂。延及于平民。

荒忽也



改正音

爾以爲張跋扈  
爲義節處矯詐度  
也

爲泥昏也爾敷文  
反爾爲亂也

清問虛心而問也

罔不寇賊鳴義殺宄奪攘矯虔苗民弗用靈  
制以刑惟作五虐之刑曰法殺戮無辜爰始  
淫爲劓刵椽黥越茲麗刑并制罔差有辭民  
興胥漸泯泯焚焚罔中于信以覆詛盟虐威  
庶戮方告無辜于上帝監民罔有馨香德  
刑發聞惟腥皇帝哀矜庶戮之不辜報虐以  
威遏絕苗民無世在下乃命重黎絕地天通  
罔有降格羣后之逮在下明明棗常鯨寡無  
蓋皇帝清問下民鯨寡有辭于苗德威惟畏

德明惟明乃命三后恤功于民伯夷降典折  
民惟刑禹平水土主名山川稷降播種農殖  
嘉穀三后成功惟殷于民士制百姓于刑之  
中以教祇德穆穆在上明明在下灼于四方  
罔不惟德之勤故乃明于刑之中率又于民  
棗彝典獄非訖于威惟訖于富敬忌罔有擇  
言在身惟克天德自作元命配享在下王曰  
嗟四方司政典獄非爾惟作天教今爾何監  
非時伯夷播刑之迪其今爾何懲惟時苗民

訖盡也



附也

裕至也

畏威古通用辟之也

休宥之也

詳刑刑凶器也而謂之詳者刑無無刑之謂也

囚逮也兩造兩爭者皆至也五辭麗於五刑之辭簡核其實也刑無可疑也罰贖也過誤也

即刑也言威勢也及報德怨也內女謁也貨賄賂也來干請也審克察之詳而盡其能也

緩胡闕及六兩日緩闕視也

倍差倍而又差五百緩也

匪察于獄之麗罔擇吉人觀于五刑之中惟時庶威奪貨斷制五刑以亂無辜上帝不蠲降咎于苗苗民無辭于罰乃絕厥世王曰嗚呼念之哉伯父伯兄仲叔季弟幼子童孫皆聽朕言庶有格命今爾罔不由慰曰勤爾罔或戒不勤天齊于民俾我一人雖畏勿畏雖入爾尚敬逆天命以奉我一人雖畏勿畏雖休勿休惟敬五刑以成三德一人有慶兆民賴之其寧惟末王曰吁來有邦有土告爾祥

刑在今爾安百姓何擇非人何敬非刑何慶非及兩造具備師聽五辭五辭簡乎正于五刑五刑不簡止于五罰五罰不服正于五過五過之疵惟官惟反惟內惟貨惟來其罪惟均其審克之五刑之疑有赦五罰之疑有赦其審克之簡乎有衆惟貌有稽無簡不聽具嚴大威墨辟疑赦其罰自緩闕實其罪劓辟疑赦其罰惟倍闕實其罪剕辟疑赦其罰倍差闕實其罪宮辟疑赦其罰六百緩闕實其



改正音訓

屬類也

比附也罪無止律則以上下刑而比附其罪也亂辭解之不可聽者不行舊有是法而今不行者

罪大辟疑赦其罰千錢。閔實其罪墨罰之屬千劓。罰之屬千。劓罰之屬五百。官罰之屬三百。大辟之罰其屬二百。五刑之屬三十。上下比罪無僭亂辭勿用不行。惟察惟法其審克之上刑適輕下服下刑適重上服輕重諸罰有權利罰世輕世重惟齊非齊有倫有要罰懲非死人極于病非佞折獄惟良折獄罔非在中察辭于差非從惟從哀敬折獄明啓刑書膏占咸庶中正其刑其罰其審克之獄成

單辭無證之辭也

亂治也

府聚也辜功猶言罪狀也

五極五刑也嘉善師衆也

而乎輸而乎其刑上備有并兩刑王曰嗚呼敬之哉官伯族姓朕言多懼朕敬于刑有德惟刑今天相民作配在下明清于單辭民之亂罔不中聽獄之兩辭無或私家于獄兩辭獄貨非寶惟府辜功報以庶尤未畏惟罰非天不中惟人在命天罰不極庶民罔有令政在于天下王曰嗚呼嗣孫今往何監非德于民之中尚明聽之哉哲人惟刑無疆之辭屬于五極咸中有慶受王嘉師監于茲祥刑

文三

卷之三

十一



文侯之命

王若曰。父義和。丕顯文武。克慎明德。昭升于  
上。敷聞在下。惟時上帝集厥命于文王。亦惟  
先正克左右。昭事厥辟。越小大謀猷。罔不率  
從。肆先祖懷在位。嗚呼。閔予小子。嗣造天丕  
愆。殄資澤于下。民侵戎我國家。純卽我御事。  
罔或者壽。壽俊在厥服。予則罔克。曰。惟祖惟父。  
其伊恤朕躬。嗚呼。有績予一人。未綏在位。父  
義和。汝克昭乃顯祖。汝肇刑文武。用會紹乃

閔憐也。歎而自痛傷也。

純大也。

辟。追孝于前文人。汝多修扞我于艱。若汝予  
嘉。至曰。父義和。其歸視爾師。寧爾邦。用賚爾  
鉅鬯。一。白彤弓。一。彤矢。白盧弓。一。盧矢。百馬。  
四匹。父往哉。采芣遠。能邇惠康。小民無荒寧。簡  
恤爾都。用成爾顯德。

費誓

公曰。嗟。人無譁聽命。徂茲淮夷。徐戎並興。善  
教乃甲冑。敵乃于無敢。不弔備乃弓矢。鍛乃  
戈矛。礪乃鋒刃。無敢不善。今惟淫舍。牝牛馬

徂茲猶曰往者

初連徐及縫完也

大反猶繫也

音的括至也

大也猶音谷開

收也

女正五下

二二二



以正音詩  
馮明化反發也  
乃結反塞也

馮大理反備備也  
去九反

馮總俞反團音交

訖盡也團安也

思疾苑且也

音波番番老貌

給貌  
勇貌  
威嚴辭

介獨也斷都玩反  
斷斷一之貌  
語辭作易道好

杜乃獲斂乃穿無敢傷犴犴之傷汝則有常刑馬牛其風臣妾通逃勿敢越逐祇復之我商賚汝乃越逐不復汝則有常刑無敢寇攘踰垣墻竊馬牛誘臣妾汝則有常刑甲戌我惟征徐戎時乃糗糧無敢不逮汝則有大刑魯人三郊三遂時乃楨榦甲戌我惟築無敢不供汝則有無餘刑非殺魯人三郊三遂時乃芻芟無敢不多汝則有大刑

秦誓

公曰嗟我士聽無譁予誓居汝羣言之首古人有言曰民訖自若是多盤責人斯無難惟受責俾如流是惟艱哉我心之憂日月逾邁若弗云來惟古之謀人則曰未就予忌惟今之謀人始將以為親雖則云然尚猷詢茲黃髮則罔所德番番良士旅力既愆我尚有之佻佻勇夫射御不違我尚不欲惟截截善諷言俾君子易辭我皇多有之昧昧我思之如有一介臣斷斷猗無他技其心休休焉其如



以正音言

善之意

職主也冒忌也

五骨及圍五結  
反机隍不安也

機安也

有容人之有技若已有之。人之彥聖其心好  
 之。不啻如自其口出。是能容之。以保我子孫  
 黎民。亦職有利哉。人之有技。冒疾以惡之。人  
 之彥聖而違之。俾不達。是不能容。以不能保  
 我子孫。黎民亦曰。殆哉。邦之机隍。曰由一人  
 邦之榮懷。亦尚一人之慶。

書經終



